

**ՄՆՆԴԱՄԹԵՐՔԻ ԱՆՎՏԱՆԳՈՒԹՅԱՆ,  
ԱՆԱՄՆԱԲՈՒԺՈՒԹՅԱՆ ԵՎ ԲՈՒՍԱՍԱՆԻՏԱՐԻԱՅԻ  
ՈԼՈՐՏՆԵՐՈՒՄ ՌԻՍԿԻ ԳՆԱՀԱՏՈՒՄ ԻՐԱԿԱՆԱՑՆՈՂ  
ԳԻՏԱԿԱՆ ԿԱԶՄԱԿԵՐՊՈՒԹՅԱՆԸ (ԿԵՆՏՐՈՆԻՆ)  
ԼԻԱԶՈՐՈՒԹՅՈՒՆՆԵՐ ՏԱԼՈՒ, ԿԱՍԵՑՆԵԼՈՒ ԵՎ  
ԴԱԴԱՐԵՑՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ**

ՆԱԽԱԳԻԾ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

**Ո Ր Ո Շ ՈՒ Մ**

\_\_\_\_\_ -ի 2024 թվականի N \_\_\_\_ -Ն

**ՄՆՆԴԱՄԹԵՐՔԻ ԱՆՎՏԱՆԳՈՒԹՅԱՆ,  
ԱՆԱՄՆԱԲՈՒԺՈՒԹՅԱՆ ԵՎ ԲՈՒՍԱՍԱՆԻՏԱՐԻԱՅԻ ՈԼՈՐՏՆԵՐՈՒՄ ՌԻՍԿԻ  
ԳՆԱՀԱՏՈՒՄ ԻՐԱԿԱՆԱՑՆՈՂ ԳԻՏԱԿԱՆ  
ԿԱԶՄԱԿԵՐՊՈՒԹՅԱՆԸ (ԿԵՆՏՐՈՆԻՆ) ԼԻԱԶՈՐՈՒԹՅՈՒՆՆԵՐ ՏԱԼՈՒ,  
ԿԱՍԵՑՆԵԼՈՒ ԵՎ ԴԱԴԱՐԵՑՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ**

Հիմք ընդունելով «Մննդամթերքի անվտանգության պետական վերահսկողության մասին» օրենքի 7-րդ հոդվածի 3-րդ մասը՝ Հայաստանի Հանրապետության կառավարությունը որոշում է.

1. Սահմանել մննդամթերքի անվտանգության, անասնաբուժության և բուսասանիտարիայի ոլորտներում ռիսկի գնահատումն իրականացնող գիտական կազմակերպությանը (կենտրոնին) լիազորություններ տալու, կասեցնելու և դադարեցնելու կարգը՝ համաձայն հավելվածի:
2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Հավելված  
ՀՀ կառավարության 2024 թվականի  
\_\_\_\_\_ -ի \_\_\_ -ի N \_\_\_\_ -Ն որոշման

## ԿԱՐԳ

ՍՆՆԴԱՍԹԵՐՔԻ ԱՆՎՏԱՆԳՈՒԹՅԱՆ, ԱՆԱՍՆԱԲՈՒԺՈՒԹՅԱՆ ԵՎ  
ԲՈՒՍԱՍԱՆԻՏԱՐԻՎՅԻ ՈԼՈՐՏՆԵՐՈՒՄ ՌԻՍԿԻ ԳՆԱՀԱՏՈՒՄ ԻՐԱԿԱՆԱՑՆՈՂ  
ԳԻՏԱԿԱՆ ԿԱԶՄԱԿԵՐՊՈՒԹՅԱՆԸ (ԿԵՆՏՐՈՆԻՆ) ԼԻԱԶՈՐՈՒԹՅՈՒՆՆԵՐ ՏԱԼՈՒ,  
ԿԱՍԵՑՆԵԼՈՒ ԵՎ ԴԱԴԱՐԵՑՆԵԼՈՒ

### 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են սննդամթերքի անվտանգության, անասնաբուժության և բուսասանիտարիայի ոլորտներում ռիսկի գնահատումն իրականացնող գիտական կազմակերպությանը (կենտրոնին) (այսուհետ՝ գիտական կազմակերպություն) լիազորություններ տալու, կասեցնելու և դադարեցնելու հետ կապված հարաբերությունները:

2. Գիտական կազմակերպությունը կարող է լիազորվել մեկ կամ մի քանի ցուցանիշներով:
3. Գիտական կազմակերպությանը լիազորություններ տրվում, տրված լիազորությունը կասեցվում կամ դադարեցվում է Հայաստանի Հանրապետության Էկոնոմիկայի նախարարության (այսուհետ՝ լիազոր մարմին) կողմից:

## 1. ԳԻՏԱԿԱՆ ԿԱԶՄԱԿԵՐՊՈՒԹՅԱՆ ԼԻԱԶՈՐՄԱՆ ԶԱՓԱՆԻՇՆԵՐԸ

### 4. Գիտական կազմակերպությունը պետք է՝

- լինի հավատարմագրված և նշանակված՝ հավատարմագրման և տեխնիկական կանոնակարգման ոլորտներում գործող օրենսդրության պահանջներին համապատասխան.
- ներառված լինի Եվրասիական տնտեսական միության սերտիֆիկացման մարմինների և փորձարկման լաբորատորիաների (կենտրոնների) միասնական ռեեստրում.
- ունենա բարձր որակավորում ունեցող միջազգային ընդունված չափորոշիչների, մեթոդների, ստանդարտների, և իրավական ակտերի իմացություն և հմտություններ ունեցող աշխատակազմ (հետազոտողներ, գիտնականներ),
- ունենա ռիսկերի գնահատման դաշտային պարագաներ և տվյալ ոլորտում գործունեության իրականացման փորձ,
- ռիսկի գնահատումն իրականացնի առկա գիտական ապացույցների վրա և իրականացնի ինքնուրույն, օբյեկտիվ և թափանցիկ գործունեություն,
- գործի պետական կառավարման համակարգում,
- երաշխավորի իր գործունեության ոլորտում անկախ և անաչառ լինելը և չսպասարկի որևէ սյուբեկտի,
- ունենա կատարված աշխատանքների հաշվառման և տեղեկատվության էլեկտրոնային համակարգերի ստեղծման և վարման ընթացակարգեր,
- ապահովի իր գործունեության մասին անհրաժեշտ տեղեկատվության տեղադրումն իր պաշտոնական կայքէջում.
- ապահովի իր գործառույթների պատշաճ կատարումը՝ բարձր ճշգրտությամբ սարքավորումների, ինչպես նաև համապատասխան մեթոդական բազայի միջոցով,
- ունենա սննդամթերքի անվտանգության, անասնաբուժության և բուսասանիտարիայի ոլորտներում միջազգային համագործակցություն, ինչպես նաև աշխատաժողովների մասնակցություն:

## III. ԼԻԱԶՈՐՄԱՆ ԳՈՐԾԸՆԹԱՑԸ

5. Գիտական կազմակերպությունը կարող է լիազորվել այն գիտական կենտրոնը, որը համապատասխանում է սույն կարգի 6-րդ կետով սահմանված բոլոր պահանջներին:
6. Սննդամթերքի անվտանգության, անասնաբուժության և բուսասանիտարիայի ոլորտներում ռիսկի գնահատումն իրականացնելու լիազորման համար գիտական կենտրոնը ներկայացնում է հայտ՝ համաձայն N 1 ձևի լիազոր մարմնի պաշտոնական էլեկտրոնային փոստի հասցեին բացառությամբ համացանցի խափանման դեպքում ներկայացնում է թղթային եղանակով, որին կցվում են՝

1) ռիսկի գնահատման հետազոտությունների իրականացման ծրագիրը,

2) գիտական կենտրոնի ազգային հավատարմագրման վկայագրի բնօրինակները,

3) լաբորատոր փորձարկումների իրականացման համար անհրաժեշտ տեղեկատվություն (սենքեր, մասնագիտական պատրաստվածություն (վերապատրաստում), տեխնիկական և այլ ռեսուրսներով հագեցվածություն),

4) տեղեկատվություն միջազգային կազմակերպությունների կողմից անցկացվող որակավորման/վերապատրաստման ստուգման ծրագրին մասնակցության վերաբերյալ (սերտիֆիկատ, վկայական, հաշվետվություն)՝ առկայության դեպքում,

5) տեղեկատվություն գիտական կենտրոնի գործունեության վերաբերյալ, ինչպես նաև միջազգային համագործակցության վերաբերյալ:

7. Ներկայացված հայտը և կից փաստաթղթերն ստանալուց հետո երեք աշխատանքային օրվա ընթացքում լիազոր մարմինը գիտական կենտրոնին թղթային կամ էլեկտրոնային եղանակով ծանուցում է հայտն ընդունելու մասին՝ հայտում նշված էլեկտրոնային հասցեին ծանուցում ուղարկելու միջոցով:
8. Սույն կարգի 6-րդ կետով սահմանված փաստաթղթերում սխալներ, ջնջումներ, վրիպակներ հայտնաբերելու կամ ներկայացված փաստաթղթերն թերի լինելու դեպքում լիազոր մարմինը ստանալուց հետո երեք աշխատանքային օրվա ընթացքում այդ մասին թղթային կամ էլեկտրոնային եղանակով ծանուցում է հայտատուին և հնարավորություն տալիս հինգ աշխատանքային օրում վերացնել դրանք:
9. Սույն կարգի 6-րդ կետով սահմանված բոլոր փաստաթղթերը չներկայացնելու և սույն կարգի 8-րդ կետով սահմանված ժամկետում թերությունները չվերացնելու կամ ակնհայտ կեղծ փաստաթղթեր չներկայացնելու դեպքում հայտը մերժվում է և երկու աշխատանքային օրվա ընթացքում թղթային կամ էլեկտրոնային եղանակով տեղեկացվում է հայտատուին:
10. Թղթային եղանակով փաստաթղթերի պատճենները ներկայացվում են համարակալված, կարված, գիտական կենտրոնի ղեկավարի կողմից ստորագրված և կնքված, իսկ էլեկտրոնային եղանակով ներկայացվող փաստաթղթերը ներկայացվում են էլեկտրոնային ստորագրությամբ:

11. Սույն կարգի 7-9-րդ կետերով սահմանված փաստաթղթերի ուսումնասիրության առավելագույն ժամկետը չի կարող գերազանցել տասն աշխատանքային օրը:
12. Ներկայացված փաստաթղթերի ուսումնասիրության` սույն կարգով սահմանված պահանջների համապատասխանությունը պարզելու նպատակով յուրաքանչյուր հայտի համար ստեղծվում է առնվազն 7 անդամից կազմված աշխատանքային խումբ, որի կազմը և աշխատակարգը հաստատվում է լիազոր մարմնի ղեկավարի հրամանով: Կազմում ընդգրկվում են լիազոր մարմնի աշխատակազմի համապատասխան ստորաբաժանման ներկայացուցիչներ, շահագրգիռ պետական և ոչ պետական մարմինների համապատասխան մասնագետներ:
13. Հանձնաժողովն իրականացնում է յուրաքանչյուր հայտի և կից փաստաթղթերի ուսումնասիրություն և լիազոր մարմնի ղեկավարին է ներկայացնում համապատասխանության կամ անհամապատասխանության վերաբերյալ եզրակացություն:
14. Սույն կարգի պահանջներին համապատասխանելու դեպքում հանձնաժողովը սույն կարգի 11-րդ կետով սահմանված ժամկետը լրանալու հաջորդ օրը լիազոր մարմնի ղեկավարին է ներկայացնում գիտական կենտրոնը որպես ռիսկի գնահատման կենտրոն լիազորելու մասին համապատասխանության վերաբերյալ եզրակացություն:
15. Լիազոր մարմնի ղեկավարը համապատասխանության վերաբերյալ եզրակացությունը ստանալուց հետո երկու աշխատանքային օրվա ընթացքում ընդունում է հրաման` սույն կարգի պահանջները բավարարող հայտատուին (հայտատուներին) հայտարարված ցուցանիշով ռիսկի գնահատումն իրականացնող գիտական կազմակերպություն լիազորելու մասին:
16. Ռիսկի գնահատման գիտական կազմակերպություն լիազորելու մասին հրամանը մեկ աշխատանքային օրվա ընթացքում թղթային կամ էլեկտրոնային եղանակով տրամադրվում է հայտատուին:
17. Սույն կարգի պահանջներին չհամապատասխանելու դեպքում հանձնաժողովը սույն կարգի 11-րդ կետով սահմանված ժամկետը լրանալու հաջորդ օրը լիազոր մարմնի ղեկավարին է ներկայացնում անհամապատասխանության վերաբերյալ եզրակացություն:
18. Լիազոր մարմնի ղեկավարը անհամապատասխանության վերաբերյալ եզրակացությունը ստանալուց հետո երկու աշխատանքային օրվա ընթացքում ընդունում է հայտը մերժելու վերաբերյալ հրաման, որը մեկ աշխատանքային օրվա ընթացքում թղթային կամ էլեկտրոնային եղանակով տրամադրվում է հայտատուին:
19. Սույն կարգի 15-րդ կետով սահմանված հրամանն ընդունելուց հետո երեք աշխատանքային օրվա ընթացքում լիազոր մարմինը գիտական կենտրոնին տրամադրում է սննդամթերքի անվտանգության, անասնաբուժության և բուսասանիտարիայի ոլորտներում հայտարարված ցուցանիշով ռիսկի գնահատումն իրականացնող գիտական կազմակերպություն լիազորելու մասին վկայական` համաձայն N 2 ձևի:
20. Ռիսկի գնահատում իրականացնող գիտական կազմակերպությունը լիազորվում է լիազոր մարմնի կողմից մինչև 3 տարի ժամկետով` բայց ոչ ավելի, քան հավատարմագրման վկայագրի գործողության ժամկետը:
21. Լիազորված ռիսկի գնահատումն իրականացնող գիտական

կազմակերպության վերաբերյալ տեղեկատվությունը լիազոր մարմինը մեկ աշխատանքային օրվա ընթացքում հրապարակում է իր պաշտոնական կայքէջում:

## 1. ՏՐՎԱԾ ԼԻԱԶՈՐՈՒԹՅԱՆ ԿԱՍԵՑՈՒՄԸ ԿԱՄ ԴԱԴԱՐԵՑՈՒՄԸ

22. Գիտական կազմակերպությունը լիազորվելուց հետո՝ յուրաքանչյուր տարվա վերջին ամսվա ընթացքում, լիազոր մարմնին է ներկայացնում ռիսկի գնահատման գործունեության վերաբերյալ հաշվետվություն: Հաշվետվության ձևը սահմանում է լիազոր մարմինը:
23. Ներկայացված հաշվետվությունը ուսումնասիրվում է տաս աշխատանքային օրվա ընթացքում: Եթե լիազոր մարմինը հայտնաբերում է, որ ռիսկի գնահատումն իրականացնող գիտական կազմակերպությունը չի իրականացնում կամ խախտում է իր պարտականությունները՝ սույն կարգով սահմանված չափանիշներին անհամապատասխանություններ արձանագրելու դեպքում, ապա դրանց հայտնաբերումից հետո երկու աշխատանքային օրվա ընթացքում լիազոր մարմինը ընդունում է ռիսկի գնահատումն իրականացնող գիտական կազմակերպության գործունեությունը կասեցնելու վերաբերյալ հրաման և մեկ աշխատանքային օրվա ընթացքում թղթային կամ էլեկտրոնային եղանակով ծանուցում է գիտական կազմակերպությանը:
24. Սույն կարգի 23-րդ կետով սահմանված դեպքում ռիսկի գնահատումն իրականացնող գիտական կազմակերպության գործունեությունը կասեցվում է առավելագույնը 30 աշխատանքային օրով: Եթե ռիսկի գնահատումն իրականացնող կազմակերպությունը կասեցման մասին հրամանն ստանալուց հետո մինչև կասեցման ժամկետի ավարտը վերացնում է կասեցման համար հիմք հանդիսացած խախտումները, ապա խախտումների վերացման մասին տեղեկատվությունը ստանալուց հետո հինգ աշխատանքային օրվա ընթացքում սույն կարգի 11-րդ կետով ստեղծված հանձնաժողովը ուսումնասիրում է խախտումների վերացումը: Խախտումների վերացման դեպքում լիազոր մարմինը երկու աշխատանքային օրվա ընթացքում ընդունում է հրաման՝ կասեցումը վերացնելու վերաբերյալ: Մինչև կասեցման ժամկետի ավարտը խախտումները չվերացնելու դեպքում՝ լիազոր մարմինը կասեցման ժամկետին հաջորդող երկու աշխատանքային օրվա ընթացքում ընդունում է հրաման՝ ռիսկի գնահատումն իրականացվող գիտական կենտրոնի լիազորումը դադարեցնելու վերաբերյալ:
25. Լիազորումը դադարեցվում է նաև գիտական կազմակերպության կողմից ներկայացված դիմումի համաձայն:
26. Լիազորումը դադարեցնելու դեպքում սույն կարգի 19-րդ կետով սահմանված վկայականը ուժը կորցրած է ճանաչվում լիազոր մարմնի հրամանն ուժի մեջ մտնելու պահից և մեկ օրվա ընթացքում թղթային կամ էլեկտրոնային եղանակով ծանուցվում է գիտական կենտրոնին:



-

-

-

Ձև N 1

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ ՆԱԽԱՐԱՐՈՒԹՅՈՒՆ

(լիազոր մարմնի անվանումը)

### ՀԱՅՏ

## ՌԻՍԿԻ ԳՆԱՀԱՏՈՒՄ ԻՐԱԿԱՆԱՑՆՈՂ ԳԻՏԱԿԱՆ ԿԱԶՄԱԿԵՐՊՈՒԹՅԱՆ ԼԻԱԶՈՐՄԱՆ ՄԱՍԻՆ

Հայտատու՝ \_\_\_\_\_

(իրավաբանական անձի լրիվ անվանումը)

\_\_\_\_\_

(հեռախոսահամարը և էլեկտրոնային փոստի հասցեն)

\_\_\_\_\_

(գործունեության ոլորտը/տեսակը)

Գտնվելու վայրը՝ \_\_\_\_\_

(իրավաբանական անձի գործունեության իրականացման վայրը)

Իրավաբանական անձի պետական գրանցման համարը, \_\_\_\_\_



Հարկ վճարողի հաշվառման համարը

\_\_\_\_\_

Խնդրում եմ լիազորել ռիսկի գնահատումն իրականացնող գիտական կազմակերպություն \_\_\_\_\_  
ոլորտում:

Հայտին կից ներկայացնում եմ \_\_\_\_\_:

Հայտնում եմ, որ ներկայացված փաստաթղթերում առկա տվյալներն ամբողջական են և հավաստի:

Հայտատու \_\_\_\_\_

\_\_\_\_\_

(ստորագրությունը)

\_\_\_\_\_ 20 թ.

-

-

-

-

-

-

-

-



Լիազորվում է ռիսկի գնահատումն իրականացնող գիտական կազմակերպություն (կենտրոն)

---

ոլորտում:

Տրված է \_\_\_\_\_ 20 թ.

Գործողության ժամկետը՝ \_\_\_\_\_

---

(լիազոր մարմնի ղեկավարի ստորագրությունը)

---

(անունը, ազգանունը)